

**Razvojna banka Federacije  
Bosne i Hercegovine  
Predsjednica Uprave**

Broj: 7108-III/23  
Sarajevo, 20.06.2023. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), Zapisnika o pregledu i ocjeni konačne ponude broj 6663-XI/23 od 09.06.2023. godine i člana 20. Statuta Razvojne banke Federacije Bosne i Hercegovine (u daljem tekstu: Banka), u postupku javne nabavke usluga održavanja sistema elektronskog bankarstva za period od 12 mjeseci, donosim

**ODLUKU**

**o izboru ponuđača za nabavku usluga održavanja sistema elektronskog bankarstva  
za period od 12 mjeseci (01.5.2023-30.4.2024. godine)**

**Član 1.**

Prihvata se konačna ponuda ponuđača Comtrade System Integration d.o.o. Sarajevo, Džemala Bijedića 179, 71000 Sarajevo, broj ponude P-23-117 od 08.06.2023.godine u postupku javne nabavke putem pregovaračkog postupka bez objave obavještenja o nabavci za nabavku usluga održavanja sistema elektronskog bankarstva za period od 12 mjeseci (01.5.2023-30.4.2024. godine) za potrebe Razvojne banke Federacije BiH.

**Član 2.**

Ukupna cijena konačne ponude iznosi 28.800,00 KM, što u konačnici s uračunatim PDV-om iznosi 33.696,00 KM (slovima: tridesettrihiljadešeststotinadevedestšest i 00/100 KM).

**Član 3.**

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici [www.rbfbih.ba](http://www.rbfbih.ba), istovremeno s upućivanjem iste ponuđaču koji je sudjelovao u ovom postupku.

**Član 4.**

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

**Član 5.**

Za realizaciju ove odluke zadužuje se Sektor za podršku poslovanju.

## **OBRAZLOŽENJE**

Odlukom broj 4418-III/23 od 11.04.2023. godine pokrenut je postupak javne nabavke usluga održavanja sistema elektronskog bankarstva za period od 12 mjeseci (01.5.2023-30.4.2024. godine).

Shodno navedenom, a u skladu sa članom 28. stav (4) Zakona o javnim nabavkama (Službeni glasnik BiH 39/14 i 59/22), Razvojna banka Federacije BiH, na portalu javnih nabavki, objavila je informaciju o pregovaračkom postupku koji namjerava provoditi bez objave obavještenja o nabavci za nabavku usluga održavanja sistema elektronskog bankarstva i to sa ponuđačem Comtrade System Integration d.o.o. Sarajevo, Džemala Bijedića 179, 71000 Sarajevo, koji jednini može pružiti predmetne usluge jer je firma Endava d.o.o. Sarajevo nakon odustajanja od održavanja sistema elektronskog bankarstva prenijela prava održavanja na Comtrade System integration d.o.o. Sarajevo. Angažovanje drugog ponuđača zahtijevalo i ponovnu integraciju novog sistema elektronskog bankarstva i njegovu integraciju sa postojećim informacionim sistemom Banke.

Informacija o pregovaračkom postupku bez objave obavještenja o nabavci objavljena je na Portalu javnih nabavki dana 20.04.2023. godine, broj informacije: 1011-4-2-82-20-4/23.

Tenderska dokumentacija je dostupna svim zainteresovanim ponuđačima na portalu javnih nabavki.

Tendersku dokumentaciju su preuzela 2 (dva) ponuđača.

U utvrđenom roku, ponuđač Comtrade System integration d.o.o. Sarajevo je dostavio zahtjev za učešće sa kvalifikacionom dokumentacijom, nakon čega je Komisija imenovana Odlukom Ugovornog organa broj 4419-III/23 od 19.04.2023. godine sačinila Zapisnik o rezultatu pretkvalifikacije kandidata broj 4853-XI/23 od 28.04.2023. godine, te je na osnovu istog donesena Odluka o rezultatima pretkvalifikacije u pregovaračkom postupku javne nabavke bez objave obavještenja o nabavci broj 4973-III/23 od 04.05.2023 godine.

Odlukom o rezultatima pretkvalifikacije broj 4973-III/23 od 04.05.2023 godine konstatovano je da je ponuđač Comtrade System integration d.o.o. Sarajevo kvalifikovan za izvršenje usluga održavanja sistema elektronskog bankarstva u Razvojnoj banci Federacije BiH.

S tim u vezi, dana 05.05.2023. godine, na Portalu javnih nabavki objavljen je Poziv za dostavljanje početne ponude. Rok za podnošenje Početne ponude je bio 15.05.2023. godine do 12:00 sati.

Ponuđač Comtrade System integration d.o.o. Sarajevo dostavio je početnu ponudu dana 15.05.2023.godine u 11:20 sati. Nakon dostavljanja početne ponude u utvrđenom roku, Komisija za nabavke sačinila je Zapisnik o pregledu i ocjeni početne ponude broj 5546-XI/23 od 16.05.2023.godine, a ponuđaču Comtrade System integration d.o.o. Sarajevo, dana 22.05.2023.godine, dostavljen je poziv za pregovore.

Pregovori su održani 25.05.2023.godine, a Zapisnikom o pregovorima broj 3157-XI/23 od 23.05.2023. godine konstatovano je da je cijena početne ponude iznosi 28.800,00 KM bez PDV-a i ista se neće mijenjati u konačnoj ponudi.



Slijedom naprijed navedenog, na Portalu javnih nabavki 31.05.2023. godine objavljen je Poziv za dostavljanje konačne ponude.

Rok za podnošenje konačne ponude bio je 08.06.2023. godine do 12:00 h, a ponuđač Comtrade System integration d.o.o. Sarajevo konačnu ponudu je dostavio dana 08.06.2023. godine u 10:45 h.

Komisija za nabavke izvršila je otvaranje, pregled i ocjenu konačne ponude, te je u svom Zapisniku broj 6663-XI/23 od 09.06.2023 godine konstatovala da je ponuda ponuđača Comtrade System integration d.o.o. Sarajevo prihvatljiva, sadrži sve podatke i dokumentaciju, u skladu sa zaključcima sa pregovora.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude.

Uvažavajući sve prethodno navedeno, a prvenstveno činjenicu da ugovaranje usluge održavanja sistema elektronskog bankarstva sa bilo kojim drugim pružaocem usluga nije moguće zbog ranije definisanih razloga, te da je ponuda ponuđača prema kriteriju za izbor ponude (najniža cijena) ocijenjena prihvatljivom, odlučeno je kao u dispozitivu.

**Pouka o pravnom lijeku:**

Protiv ove Odluke može se izjaviti žalba najkasnije u roku od 10 (deset) dana od dana prijema Odluke saglasno članu 97. 99. i 101. Zakona o javnim nabavkama.



**Predsjednica Uprave**

*Mersiha Slipičević*  
**Doc. dr. sci. Mersiha Slipičević, dipl. oec.**

Dostaviti:

- Učesniku u postupku;